

殷契通釋

張海若題



壹

殷

契

通

釋

古上雋
張海若
署端



序

殷虛契文自錢雲藏龜出世後首釋者爲孫氏詒讓曰契文舉例惟就個體字加以解釋繼起者爲羅氏振玉之殷虛書契攷釋王氏國維之殷先王先公考名震一世迨後釋者漸夥刊物亦增非不知爲知即人云亦云削足適屨千篇一律除葉氏王森略有發明外餘悉師承羅王於卜辭真諦強半不解余前兼厯史博物館主任時檢閱隨卜辭出土之物始疑殷庚以後猶爲石器時代後閱卜辭不惟通辭內無金字即金偏旁字亦不一見更自信斷定時代之不誤時代既定一切文物制度

自然劃若鴻溝故對諸家釋文稍滋懷疑原擬潛心研究冀有獵獲資饗學者奈委命下吏終日碌碌於機械事業無暇及此自政府南遷余因休職消遣歲月賡續前志遂將所有卜辭按例排列互相參校始發見卜辭大都爲方名平列之辭究未知其用也旋發見祭辭祖名上下莫非方名於是知殷人之祭必用各方人爲牲當未祭前先決於卜貞則用之如貞某某等方名平列之辭均此類也其他征伐田狩等卜亦皆與各方有密切關係是卜辭之主幹即爲方名前釋者摘埴索塗宜乎鑿枘不入夫方名者何乃各部落之標識也例如

殷在未組織王朝以前亦爲部落之一其標識則爲唐唐古文嗚湯爲嗚譌變也嗣後組織王朝在商曰商在殷曰殷不過爲群部落首領即所謂部落王朝也與成周有禮法制度之王朝迥然不同周秦人殷周並稱已失其實按湯前二祖曰示壬史記殷本紀曰主壬誤矣卜辭有妣祭始於示壬示壬以前不見妣名更有二祖或三祖同一妣之辭至武丁後猶見之綜觀各節就人類演進過程中可爲殷之世紀作一簡明表式

殷前半紀

殷後半紀

舊石器時代

新石器時代

混亂部落社會

王朝部落社會

兩性雜交

血族
群婚

亞血族群婚

遊牧生活

農業萌芽

生食人時期

熟食人時期

此表據卜辭作之非等虛擬其與考古學之詮次
進化史之公例若合符節讀者自知然則殷代以
及殷代前之一切社會制度藉此可以概見至經
傳所謂五帝三王見諸卜辭者則多為殷之祖宗
或為方名所謂唐虞夏者唐即湯如上述虞夏亦
為方名可見吾國經傳載殷以前之史蹟非周秦
之虛構即漢人之偽託此三千年之迷霧得卜辭

昭臨一掃而清世人僅以無系統之金文不完整之木簡等而視之豈不冤哉不獨此也殷代數千部落至周以後逐漸解散經解散之氏族即以其標識爲姓故無論何姓皆爲集團之遺留非個人之子孫如姓氏各志謂某姓爲某帝後某姓爲某王後豈當代帝王有後而與帝王同世之人盡無後耶此理極淺不辨自明其間有不受解散者遂率其氏族遷移他處按卜辭方名證之現今民族幾占三分之一人類學者謂人類始於帕米爾高原由高加索而西者爲白種人由昆侖而東者爲黃種人越地中海而南者爲黑種人此說確否姑

不具論若證諸卜辭世界民族強半爲殷部落諒非偶爾之聚合也講人類學者宜注意焉溯自原始以來荒莽大地應爲無記名物至周秦以後稱爲某山某水某鄉某亭某丘某聚某故國某故城等均係殷代數千部落或藉爲棲息之所或闢爲領守之域皆因其標識而留其名如大方內之山水曰大山大水又命爲大方从人字即山海經神話中之大人國此類史影皆可於卜辭證明之厥後雖稍有沿革然稽諸較古之春秋戰國地圖及前後漢地理志則殷代各方所在地悉可按索況周之國名除楚外皆爲殷之方名領區分布顯有

可徵再就連辭旁證未知各方不難確定此從事
歷史地里者不可不知也吁卜辭之質量如此其
重卜辭之價值如此其高若不能澈底研究剖璞
探驪實有負此寶物也余老矣生一八六八年雖有其志
惜無其力未得究竟終覺顏汗特揭此大綱貢獻
於世俾研究卜辭者不再入於歧途則余綿薄之
願償矣卜辭印行者闕釋尚多現出土者珍品不
少苟能以邃密之心思淘沙漠之金質鉤玄索隱
必更有無窮之發現余意接踵而起者必大有人
在不敢如羅氏藐視天下人曰發潛闡微爲區區
一人之責見後編序書成付梓略述其凡并諸篇首

民國壬申年秋八月徐協貞序於故都西垣郢白
寄廬

卜辭出土三十餘年羅王而後著述者不下數十家
其得失是非姑不具論要皆零金碎玉才一有統系
之作而不可得徐君吉軒以所著殷契通釋見示分
爲多方儀祭二篇將征伐田獵受年疾病天時諸端
散寄其間提綱絜領統系整飭每解一字處處皆通
每伸一義條條有理源源本本如數家珍於朽甲枯
骨之中得金簡玉牒之妙俾殷代歷史社會真相暴
白於數千年後一掃周秦以來之障蔽洵吾國藝文
史上未有之創作也吾老矣愧於卜辭未求甚解不
敢謂徐君所言皆確不可拔然觀其排列數千百條

比事屬辭事有考據語有根柢非徒託諸空言者所能指其瑕疵也噫吾閱此書不禁有感焉周室繼殷而代之而殷代文化俱被斬絕無餘不能不令人驚駭周室爲一大革命由周迄今雖易姓更代而文化相續不得謂爲革命惟此際唯物學說乘時而起天崩地裂文化丕變又不能不令人驚駭爲周後之一大革命自茲以往殆不知將來更成何世界也緬古懷今感慨繫之尙希繼徐君而起者以紀其演進之程勿使今日固有之文化淪於殷虛之列此則吾所焚香祝禱者也歲在昭陽作噩臯月李盛鐸序

予兒時卽習訓詁學衡諸六書未能盡合疑竇滋生及與鄉先輩劉幼丹先生遊以所著吉金文述古文審見贈自此始涉獵金石以證許氏說文錯謬甚多旋留學日本無暇專攻頗感有志未逮迨卜辭出土羅王諸子爲之先河偶一披覽見其僅就個體字解釋發軔濫觴不爲無功然其望文生意穿鑿附會之處不一而足故此通彼塞甲是乙非殷虛文字遂爲投壺射覆之品甚至章太炎目爲贗物也予友徐君吉軒素精哲學自任歷史博物館館長後志沈考古舍唯心而尙唯物國都南遷無所事事日對卜辭排列寢饋眞積力久豁然貫通卜辭之寶藏胥於是乎

鑿開矣徐君研究卜辭爲他人所未及見者甚多約舉六
端言之(一)發明卜辭大半皆方名故以多方名篇予讀經
史至萬方有罪句疑是史家鋪張之辭豈眞方以萬計旋
見周武王起師孟津諸侯來會者八百國求其國以實之
而史書竟付闕如又孟子云湯執中立賢無方方字之義
頗難索解今讀多方一篇則向之所疑渙然冰釋尤難者
如之來豈諸方蟬聯證實可謂匠心獨運(二)發明諸方之
中有男女性別如子方名也子之屬男性者爲仔屬女性
者爲好其實子仔好皆一方也窺殷時王朝典例凡附近
諸方皆無男女性別有男女性別者皆對邊藩諸方所爲

之符號猶周後畿內畿外也核諸卜辭厯厯不爽予二小
兒育新留學法國謂法文男女牡牝雌雄等名詞之冠詞
皆有陰陽之別由此推之男女性別不足爲異(三)發明卜
辭交爻與否以判吉凶夫爻字象形極似炙龜坼文顯而
易見但交爻與否則從未有人道及如篇中吉凶貞用等
字卽由交爻而成詢其交爻之見謂從交午之義悟出可
見心靈而思銳也(四)發明用諸方之人以祭其祖宜祭與
否以卜決之卜貞所繫皆被祭者之方但其主旨在祭不
在方故以儀祭名篇篇中燔燎沈埋茅祭等卽是其例至
謂牛羊犬豕非畜名而爲方名更非他人所能夢見(五)由

妣祭發明雜交血族羣婚與亞血族羣婚之程序尤爲人所不能言不敢言者也予讀春秋左氏傳見諸侯娶一女而衆媵附之衆媵之中無姑姊甥舅之別史記謂孔子之母與叔梁紇野合足見周之中葉猶有雜交羣婚餘風漢惠帝之后卽其胞姊魯元公主之女主婚者爲呂后國人不以爲非似此在西漢時猶未脫亞血族羣婚習氣殷人在部落時代由雜交以至亞血族羣婚有何可疑(六)發明山海經與卜辭諸方若合符節夫山海經雖近荒誕神怪然其書最古晉陶淵明愛不釋手可以想見其價值清畢沅校註謂其所經歷西北山水證之於經無不脗合徐君